

جَزَائِرِ عَمَّاكِمِ

— جمعه ایرتسی —

نومرو	ربیع الاخر	سنه	تشرین اول	سنه	صفحه
۷۹۱	۱۳	۱۳۱۲	۱	۱۳۱۰	۱۱۷۷۳

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولق اوزره یوز یاره به هر یرده صاتیلور . درج اولنه حق)
 (اعلا ناک هر برندن برمجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سی

— توجهات —

حلب ولایتی استیناف محکمه سی مدعی
 عمومیلکی انقره ولایتی استیناف محکمه سی جزا
 دائره سی رئیس سابق سعادتلو حسین حسینی
 اقدی حضرتلرینه

معموره العزیز ولایتی استیناف محکمه سی

مدعی عمومیلکی حلب ولایتی استیناف محکمه سی
 مدعی عمومیلکی عزتلو طیب بکه

قسطنونی ولایتی استیناف محکمه سی مدعی
 عمومیلکی معموره العزیز ولایتی استیناف محکمه سی
 مدعی عمومیلکی عزتلو نوری بکه

طرابلس غرب ولایتی بدایت محکمه سی جزا
 دائره سی ریاستی محکمه مذکوره مدعی عمومی
 معاونی عبدالرحمن افندی به

طرابلس غرب مدعی عمومی معاونلکی

لازیه بدایت محکمه سی جزا دائره سی رئیس
حامد افندی به

لازیه سنجانی بدایت محکمه سی جزا دائره سی
ریاستی بنغازی بدایت محکمه سی جزا دائره سی
رئیس ابراهیم فوزی افندی به

بنغازی سنجانی بدایت محکمه سی جزا دائره سی
ریاستی محکمه مذکوره مدعی عمومی معاونی
احمد وفقی افندی به

بنغازی سنجانی مدعی عمومی معاونی
محکمه تمیز استندما دائره سی ضبط کتبه سندن
مصطفی افندی به تفویض بیوریش و مشار
ومومی الیهمدن بوراده بولسان حسنی افندی
حضر تریله مصطفی افندی مک مفاير عدالت
حرکاتده بولیمه جقلرینه وذات شوکتسمات
حضرت خلافتیناهی به ودوات علیه لینه صادقانه
ایفای خدمت ایده جکلرینه دائر تحلیفلی اجرا
اولنوب دیگر لرینک دخی اصول مقرر و جهله
اجرای تحلیفلی ایچون محللرینه تبلیغات لازمه
ایفا ایدلشدر .

(فی غره ربیع الآخر سنه ۳۱۲ وفی ۱۹ ایلول)
(سنه ۳۱۰ تاریخده بالجهله ولایات استیناف)
(محکمه سی مدعی عمومیلرینه ومدعی عمومی)
(بولنیمان محللر مدعی عمومی معاونلرینه یازیلان)
(تخریرات عمومی صورتیدر)

محاکم و دوائر عدلیه استعمال اولسان
رسوم متنوعه بوللرینک بر آی طرفنده کی صرفیاتی
مبین اوله رق هر آی نهایتده بالتنظیم مدعی عمومی
معاونلری طرفندن کوندلرلکه اولان توحید
جدوللرینه ربط ایله ارسالی بول تعلیماتی احکامندن
اولان جدوللر وقت وزمانیه تسبیار اولنما مقده
وبو حال انتظام معاملات حسابیه بی اخلال
ایلمکده اولسبله قطعاً جائز اوله میه جفندن بعدما
محاکم و دوائر عدلیه اخذوصرف اولنان بوللرک
حساباتی ناطق اوله رق هر آی نهایتده منتظماً
تنظیمی لازم کلان جداولک بلا تأخیر تنظیم
ایتدیریلرک تسبیاری خصوصنه اعتنا و همت اولنمسی
توصیه سیله شقه .

بوزقیر قضای بدایت محکمه سی اعضا سندن
مستنطق وظیفه سی ایفا ایدن مصطفی افندی
سائقه ارتشا ایله خلاف قانون معاملات جرات
ایلدیکنه دائر وقوع بولان اخباره مبنی اجرا
اولنان تحقیقاتی حاوی قونیه ولایتی استیناف
مدعی عمومی سندن عدلیه نظارت جلیله سنه
ارسال اولنان اوراق اوزرینه مومی الیهک تحت
محاکمه الیمسی ایچون نظارت مشار الیهادن مذکور
مدعی عمومی لکه مأذونیت ویرلشدر .

قاش قضای نائی و بدایت محکمه سی رئیس
مصطفی صبری افندی ترجه حال ووقه سی تصدیق
ایتمک ایچون محکمه مذکوره مقالات محررندن
رشوت طلب ایلدیکی قونیه ولایتی استیناف
مدعی عمومی سندن عدلیه نظارت جلیله سنه
ارسال اولنان اوراق تحقیقه دن منقهم اولسبله
بونندن طولای رئیس مومی الیهک تحت محاکمه به

الیمسی وائشای محاکمه محرر مومی الیه حقنده
وقوعی اوراق مذکوره ده بیان اولنان حقارت
ماده سنک دخی تدقیقی ضمتنده نظارت مشار
الیهادن مذکور مدعی عمومی لکه تبلیغات لازمه
ایفا اولنمشدر .

قسم غیر رسمی

قبصربه نک کولک محله سندن واره تپال اوغلی
حلمینک قتلندن طولای اتهام اولنان جمال اخی
اوغلی شکرینک اجرا قلنان محاکمه سنده بعدالاتهام
وفات ایتمش اولسبله حقنده حقوق عمومی
دعواسی ساقط اولمش اولان رفیقی حالص نام
شخص ایله بالاشترک قتل مذکوره من غیر تعمد
جراتی ثابت اولدیفندن قانون جزانک یوز یتیش
دردنجی ماده سنه تطبیقاً اون بش سنه مدته کورکه

اخذيله محكمه تمیزه لزوم ارساله ۱۰ ايلول
سنه ۳۱۰ تاریخچه قرار و برلدى .

فی ۲ ربیع الآخر سنه ۳۱۲
وفی ۲۰ ايلول سنه ۳۱۰

آیدین استیناف محکمه سندن ۲۳ شباط
سنه ۳۰۶ تاریخ و طقسان بر عددی ایله صادر
اولان اعلامک تمیزی استعدایدن از میره ملحق
حاجیلر قریه سنده ساکن کیش اوغلی نیقوله
مخدومی میقو و کیلی محمد افندی یوم معینه
دائره به کیش ایسده مدعی علیهما از میره تابع
بالحق حادی قریه سنده ساکن متوفی عبده اغانک
صغیره قزی ام کلثوم وصیسی حسن و یکنی صالحه
خاتون کلدیکی کبی جواب لایحه سی دخی کوندر -
مدکلرندن یالکز مستدعی وکیلک ایضاحات
شفاهیه بیله باش مدعی عمومی معاوئلرندن سعادتلو
یورغاکی افندیستک مطالعه سی استماع قلندی .

اعلام مذکورک خلاصه مالی مرقوم میقو

قولمسنه حکم اولدیفنی حاوی قیصر به بدایت
محکمه سندن ویریلوب باش مدعی عمومیک
مأموریت علیه سندن ۳۰ اغستوس سنه ۳۱۰
تاریخ و بیک یدیوز قرق بر نومرولی تبلیغنامه ایله
محکمه تمیز جزا دائره سنده کوندریلان ۸ شباط
سنه ۳۰۹ تاریخ و طقوز نومرولی اعلام و اوراق
منفرعه سی تمیزاً لدی التدقیق تبلیغنامه ده بیان
اولدیفنی وجهله متهم مرقوم بدایت محاکمه ده
یعنی اوچیوز طقوز سنه سی نیساننک اون ایکنجی
کونی اون التی یاشنده اولدیفنی سویلمش و کیفیت
قتل اندن بر سنه اول واقع اولمش اولفله تاریخ
وقعه ده مرقومک سن صحیحی نه ایدوکنک اصولاً
تحقیق صورتندن ذهول اولمش اولدیفنی کبی شهود
مستمعه دن صالحک جمله افاداتندن اولان متوفی
خالصک حلمی به قایی بن صوقدم دیمش اولمی
ووکیلک او بولده وقوع بولان مدافعه سی مسکوت
عنه بر اقلمش ایدوکنه و برده مقتول بر یاره نک
تأثیر بیله وفات ابتدیی حالده ماده قتلده ایکی
شخصک فاعل مشترک عد ایدلسنده اصابت
اولدیفنه مبنی اصول محاکمات جزاییه قانوننک
اوچیوز اون دردنجی ماده سی مفهومجه اعلام
مذکورک نقصنه وایکیوز غروش خرج اعلامک

مزبور تان ام کلثوم و صالحه خاتونلرک مورثلری
متوفی عبده اغانک نیفا ناحیه سنده اولجق
قریه سنده کائن بر قطعه ترلانک تصرفی حقنده
باباسی متوفی کیش اوغلی نیقوله علیه سنده استحصال
ایلدیکی اعلامه استناداً ورثه مرقومه جانبندن
کندوسنک عهده تصرفده بولسان کروی ملک
بر قطعه باغنه مورثلرینک ارادینی ترلا اولدیفنی
بیانیله بالمداخله مذکور باغک محصولاتی اخذ
و ضبط اتمکده اولدیفندن مذکور باغ یری
متوفای مرقوم عبده اغانک اولسه بیله بویه
استردادینه حکم اولنان ترلا صاحب اولی طرفندن
زوع و غرس ایدیلان کروی محکوم لیهک اخذ و قبض
ایتمسی قانوننامه اراضینک اوتوزبشنجی ماده سنجه
جائز اوله میه جفندن بختله نتیجه محاکمه ده دکن
محصولاتک بد عدله تسلیمی و مداخله واقعنک
منی حقنده اقامه ایلدیکی دعوی اوزرینه جریان
ایدن محاکمه ابتدایه نتیجه سنده مرقوم میقونک
مذکور باغده موجود کرومک قلعدن طولایی
ورثه مرقومه نک مورثلری متوفی عبده اغا
علیه سنده مقدا اقامه ایلدیکی ضرروزیان دعواسنک
مذکور باغ حقنده کی دعوانک اولجه درجات
محاکمکن کچهرک کسب قطعیت ایتسندن طولایی
بردها رؤیتی غیر جائز اولدیفنی بیانیله ردینه قرار

ویرلش اولدیفنی اولیابده کی اعلام مطالعه سندن
اکلاشلمش و بردفه اصول مشروعه سنده موافق
اوله رق حکم و اعلام اولسان دعوانک تکرار
رؤیت و استماعی غیر جائز اولوب مذکور میقونک
ادعای وجهله مذکور باغی ایشلمش اولدیفنی
صحیح اولسه بیله مرقومک حرکتی دیگرک ملکینه
اذن ورخصتی اولقسزین خودبخود تصرف دیمک
اولوب بوندن طولایی مصارف واجرت طلبنه حتی
اوله میه جفنه و مذکور باغک ملکیتی متوفای مرقوم
عبده اغانک ورثه سنده عائد اولدیفنی کبی محصولانک
دخی ورثه مرقومه به عائدیتی بدیهی اولدیفنه مبنی
مرقوم میقونک مذکور باغ و محصول حقنده کی
دعواسنک ردینه دائر از میر بدایت محکمه سندن
صادر اولان اعلامک عندالاستیناف تصدیقنه
حکمدن و مستدعی تمیز میقو و کیلی محمد افندیستک
اشبو حکم علیه سنده کی اعتراضاتک باشلوجه سی
بدایت و استیناف محکمه لرنجه بیان و استناد ایدیلان
و مورثی کیش اوغلیله متوفی عبده اغا ییتنده
سبق ایدوب درجات محاکمکن کچهرک کسب قطعیت
ایدن دعوی صرف بر ترلا دعواسی اولوب کروم
و باغ حقنده بر دعوی و حکم سبق ایتامش اولدیفنی
و شمدیکی دعوی اولنان باغک یری مقدا رؤیت
اولنان ترلا اولسه بیله قانوننامه اراضینک اوتوز

بشنجی ماده سنه توفیق معامله اولفق لازم کله جکی اشکار ایکن استینافاً بوجهته دقت اولمیه رق اعلام ابتدائیک تصدیق قلمسی قانونه مغایر اولدیفندن بحثله اعلامک تقضی استدعاسندن و معاون مومی الیهک مطالعه می دخی ورثه بیننده تحت وصایتده یتیم بولندینی عندالاستیناف تحقیق ایدرک مدعی عمومی دخی بالمداخله مطالعه می استماع قلمش ایسه ده احوال مذکور درجه اولی محکمه سنک اعلامنی فسخه کافی اولدینی حالده اعلام مذکورک تصدیقی طرفه کیدلمی موافق قانون کوربله مدیکی بیانندن عبارت بولمشدر .

ایجابی مذاکره اولدقدده اعلام مذکور مطالعه سندن اکلاشدینی اوزره ورثه مرقومه نک مورثلری متوفی عبده اگا ایله مرقوم بمیقونک باباسی متوفی کبش اوغلی بیننده تکیون ایدوب درجات محاکدن مرور ایله کسب قطعیت ایتش اولان دعوی اراضی امیریه دن بولسان ترلا حقدده اولوب شو حالده منازع فی اولان باغک ذکر اولسان ترلا ده احداث اولدینی و بمیقونک ادعای وجهله مذکور ترلا دروننده کی کرم کندی و یا مورثی طرفندن غرس ایله اعمار ایدلیدیکنک تحقیق تقدیرده اراضی قانوننامه

هایوننک اوتوز بشنجی ماده سنک فقره ناک سنه توفیقاً دعوی حاضر حقدده حکم اعطاسی لازم کله جکنه مبنی محکمه استینافیه جه بوجهت حقدده تدقیقات و تحقیقات لازمه اجراسیله نتیجه حاصلیه کوره حکم و اعلام اولفق اقتضا ایدر ایکن مقدما سبق ایدوب اکتساب قطعیت ایدن ترلا دعواسنه استناداً اشوب باغ و محصولاتی حقدده کی دعوانک ردینه دائر اولان اعلام ابتدائیک تصدیق ایدلمی قانونه مغایر اولدیفنه بنه اصول محاکمه حقوقیه قانوننک ایکوز اوتوز ایکنجی ماده می موجبجه اعلام مذکورک تفضیله قانون مزبورک ایکوز قرق دردنجی ماده می حکمنه توفیقاً کیفیک یکیدن بالرقیه اعلامه ربطی ضمننده محکمه مذکوریه اعاده سنه وزیرده مفرداتی مرقم بش یوز یکرمی ایکی غروش مصارف تمیزیله نک ایلروده حقسنز چیه جق طرفه رجوع ایتک اوزره اول امرده مستدعی مرقوم بمیقودن النسنه ۲۶ شباط سنه ۳۰۷ تاریخچنده متفقاً قرار ویریلهرک تفهیم قلندی .

معموره العزیز بدایت محکمه سندن ۲۳ تشرین ثانی سنه ۳۰۵ تاریخجی و یوز یدی عددی ایله صادر اولان اعلامک تمیزی می معموره العزیز قصبه سنک ساره محله سنده مقیم بقال اصنافدن تیمورجی علی اوغلی طوسون اگا باعرض حال استدعایتدیکي حالده یوم معینه دائره به کدیکندن میز علیه قصبه مذکورک شهر روز محله سنده مقیم کورکیان کر قور اگا وکیلی فتی بک ایضاحات شفاهیله باش مدعی عمومی معاونلرندن یورغا کی افندیکنک مطالعه می استماع قلندی .

اعلام مذکورک خلاصه مالی مرقوم طوسون اغانک شیرو قضاسندن الدینی معلوم المقدار حریردن عشرینی تسویه ایتدیکي ثابت اولان ایکوز اوتوز یدی قیه فوزه نک عشری اولان بیک التیوز اوتوز التی غروشک ایکی قاتی اولان اوچ بیک یدیوز التی غروشک مرقوم طوسون اغادن تحصیلله یرتک ناحیه سنک اوچبوز درت سنه می ملتزمی مرقوم کر قور اگاه و نصف دیگرینک دخی مال صندوقه تسلیمه دائر صادر اولان اعلام غیابی علیه مرقوم طوسون اگا طرفندن اقامه اولنان اعتراض علی الحکم دعواسی اوزرینه اجرا قلدان محاکمه و جاهیه و تدقیقات

نتیجه سنده حکم غیابی مذکورک فسخیله مرقوم طوسون اغانک بلا تذکره قرق یدی قیه ایکوز سکر درهم حریر فوزه می عشرینی قاجردینی تبین ایتکله بهر قیه می ایچون محکمه جه تقدیر اولسان بکر میشر غروشدن طقوز یوز التی بر غروشک اعشار نظامنامه سنک اوننجی ماده می موجبجه ایکی قاتی اولان بیک طقوز یوز التی بر غروشک مجیدیه اون طقوز غروش حسابیله مرقوم طوسون اغادن تحصیلله نصفنک خزینه جلیله به و نصف دیگرینک دخی مرقوم کر قور اگاه اعطاسنه قرار ویرلیدیکندن و مستدعینک اشوب اعلام علیه مده باشلوجه اعتراضی مرقوم کر قور اغانک ملتزم اولدیفنه دائر یدنده بولشمی اقتضا ایدن ضبطامه نک عیناً و یا خلاصه اعلامه درجی مقتضی ایکن اعلام میز بهده مذکور ضبطامه دن بحث ایدلماسی مغایر قانون اولدیفندن بحثله اعلامک تقضی استدعاسندن و مدعی علیه نتیجه جوابی دخی مذکور ضبطامه نک اولجه صادر اولان حکم غیابی اعلامنده مندرج بولشمی جهته اعتراض مذکورک غیروارد و حکم اعلام موافق اصول و قانون اولدینی بیانیله اعلامک تصدیق طلبندن و معاون مومی الیهک مطالعه می دخی دعوی واقعیه اموال دولته تعلق ایتش ایکن

انسانی محاکمه مدعی عمومینک حاضر بولندیرلماش
اولدیفنه مبنی اعتراضات مذکورنك موافق قانون
اولدینی بیانندن عبارت بولمشدر .

ایجابی مذاکره اولدوقده اعلام مذکور
مندرجاتندن منضم اولدینی اوزره دعوای
واقعنك اموال دولته متعلق اولدینی جهتله انسانی
محاکمه مدعی عمومینک حضور یله مطالعه سنك
استماعی لازم کلور ایکن مأمور موسی الیهک
محاکمه حاضر بولندیرلماش و عشر اوله رق
تحت حکمه النان قوزنك قیمتی ار باب وقوفدن
بالتحقیق تبیین ایدنك مقدارك حکم اولمنسی
لازم کلور ایکن عشر مذکور حقنده بویوله
تدقیقات اجرا قلممقسزین محکمه جه تقدیر قیمت
اولمنسی مغایر اصول و قانون اولدیفنه و معاون
موسی الیهک مطالعه سی دخی موافق نفس الامر
بولدیفنه بناءً اصول محاکمه حقوقیه قانوننك
ایکیوز قرق برنجی ماده سی موجبجه اعلام
مذکورنك تقضیه قانون مزبورك ایکیوز قرق
درنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکوره
اعاده سنه وزیرده مفرداتی مرقم درتیوز اون درت
بجق غروش مصارف تمیزیه نك ایلروده حقسنز

قترین قضای بدایت محکمه سنندن ۶ شباط
سنه ۳۰۶ تاریخی و قرق طقوز عددی ایل ویریلان
اعلامک تمیزینی استماع ایدن شهوه قریه سی
اهالیسی امام و مختارلری ایل مدعی علیه قترین
قصبه سننده مقیم خرسو چیقه یوم معینده کلدکلرندن
باش مدعی عمومیلک مأموریت علیه سنك مطالعه -
نامه سی الهرق اصول محاکمه حقوقیه قانوننك
ایکیوز یکر می طقوزنجی ماده سی موجبجه تدقیقات
تمیزیه اجراسنه ابتدار اولندی .

اعلام مذکورنك خلاصه مالی مرقوم خرسو
چیقه نك قترین قضای داخلنده واقع یکر می سکر
سنه دنبرو متصرف اولدینی خران چفتلرکنه مربوط
معلوم الحدود اراضی و اورمانه مذکور شهوه
قریه سی اهالیسی تجاوز ایل خطب قطع و مداخله
ایتمش اولدقلرندن علیه رنده اقامه اولنان دعوی

اوزرینه قریه مذکوره اهالیسنك مداخله
واقعلرینك منعیله ایقاع ایتدکلری تحقق ایدن
اون درت بیک غروشك اخیراً ایقاع ایدلیدی
بالکشف تحقق ایدن اون بیک سکر یوز سکران
یدی غروش ضرر و زیانیه برابر عموم شهوه
قریه سی اهالیسنه اضافله وکیل طبعیلرندن
تحصیلنه و مداخله واقعنك منعه قرار
ویرلیدیکندن و مستدعیلرک اشبو قرار علیه نکی
اعتراضاتنك باشلوجه سی بدایتاً اجرا قلنان کشف
اصول محاکمه نك التمش اوچنجی ماده سنه مخالف
اولدینی کی مرقوم خرسو نك اقامه ایتدیکی شهود
کندی آدملرندن عبارت اولوب شهادت واقع -
لرینك خلاف حقیقت ایدوکی کندیلری طرفندن
اقامه ایدیلان شهودك شهادتلیله جرح ایدلمش
ایکن تواتر درجه سننده عدیله حصم شاهدلرینك
ترجیح ایدلمسی و بموقوله حدود دعوالرنده
جوار قرا اهالیسنك مسن و معتمدلرندن تحقیقات
اجراسیله حکم ویرلک لازم کلور ایکن حکمی
اولیان سپاهی سنداته و غیر معروف کسانك
افادانه بنای حکم اولمنسی مغایر قانون اولدیفندن
بجمله اعلامک تقضی و مدعی علیه خرسو چیقه نك
لایحه سننده محرر نتیجه جوابی دخی محل منازع
فیهک کندو تصرفنده اولدینی شبهه تزویردن
سالم و معمول به سنداته ایل ثابت اولان چفتلرکنک

حدودی داخلنده ایدوکی تواتراً استماع اولنان
شهودك شهادتیه ثابت اولمش وكشف واقع ایله
اعلام غیابی سابقك اثبات مضمونی ضمننده کی معاملات
احکام قانونیه موافق بولمش اولمغه اعتراضات
مذکوره واهی وحکم اعلام موافق قانون اولدینی
بیانیه اعلام مذکورك تصدیق طلبیدن ومطالعه نامه
مالی دخی اهالی قریه نك قوم محصور اولوب
اولدقبر نك رسماً تحقیقه قانون دائره سنده
تشکیل طرفین ایدلماش وكشف واقع اصول
محاکمه حقوقیه قانونك التمش اوچنجی ماده سی
احکامنه توفیق ایدلماش و اعلام غیابینك تنظیم
وتبلیغی حقنده ایجاب ایدن تحقیقات اجرا قلمماش
اولدیفته مبنی اعتراضات واقعه نك موافق قانون
اولدینی خصوصندن عبارت بولمشدر .

ایجابی مذاکره اولدقده اعلام مذکور
مندرجاتندن مستبان اولدینی اوزره دعوی واقعه
قریه اهالیسی علیهنده اقامه اولمش اولسنه کوره
محکمه جه اول امرده اهالی قریه نك قوم محصور
اولوب اولدیفنك تحقیقه اكا کوره اصولی
دائره سنده تشکیل طرفین ایدلك لازم کلور ایکن
بوجهت حقنده مدعی وکیلنك افاده سنه قناعتله
اهالی قریه نك قوم غیر محصور صقیله جلب

شهادتیه بنای حکم ایدلسی و بمقوله عموم قریه
اهالیسنه ضرر وزیان حکم اولنسی جائز اولوب
تخریبات واقعه نك اهالیدن کیمک طرفندن ایقاع
اولدیفنی مدعی مرقوم خرسونك تعیین وغربلرک
ذاتلرندن دعوی ایتیمی لازم کلور ایکن ادعا
اولنان ضرر وزیانك عموم اهالی اوزرینه حکم
اولنسی ومقدما استحصال اولدینی بیان وادعا
قلمان اعلام غیابینك تبلیغی اهالی وکیلری جانبندن
انکار اولمقده اولدینی و اعلام تبلیغی خصوصنك
یا تبلیغ علم و خبرلری و یا خود محکوم علیهك
اقرار یله اثبات اولنسی امور لازمدهن بولدینی
حالده بوجهت دخی دقت ایدلمهرك وقوع تبلیغك
شهود شخصیله اثبات ایتدیرلسی مخالف اصول
و قانون اولدیفنه و مستدعیلرک بالاده محرر
اعتراضاتیه سالف الذکر مطالعه نامه مندرجاتی
شایان قبول وموافق نفس الامر ایدوکنه بنسأ
اصول محاکمه حقوقیه قانونك ایکوز اوتوز
ایکنجی و ایکوز قرق برنجی ماده لری موجبجه
اعلام مذکورك قضیه قانون مذکورك ایکوز
فرق دردنجی ماده سی موجبجه کیفیته یکیدن
بالرؤیه اعلامه ر بطی ضمننده محکمه مذکوره به
اعاده سنه واشبو اعلام خرجی اولان ایکوز
غروشك مقدما مستدعیلر طرفندن ایفا قلمان

ایکیوز التمش اوچ بحق غروشندن اجرای محسوبیه
زیرده مفرداتی مرقم ایکوز یکرمی بش غروش
مصارف تمیزیه نك ایلروده حقسنز حقیقه جق طرفه
رجوع ایتک اوزره اول امرده مستدعی تمیز
قریه اهالیسندن التمنه ۲۷ اغستوس سنه ۳۰۸
تاریخنده متفقاً قرار ویرلدی .

اعلان

چکمجه صغیر قضاسنك پتخور قریه سی
ساکنلرندن خلیک لیلأ خانه سی دیواری دلهرك
ایجرویه کیردکری ادعا قلمسندن طولای مظلون
علیهم اولوب غیرموقوف بولنان قریه مذکوره
اهالیسندن تخمیناً قرق بش یاشلرنده کورجی
اسماعیل چاوش وینه قریه مذکوره ده ساکن
یکرمی ایکی یاشلرنده کورجی نجیب بن محمود دانی
واسقومری قریه سی اهالیسندن مرقوم اسماعیل
چاوشك قائن برادری یکرمی یاشلرنده علینك

فعل مذکور مجامعتاری ا کلاشلش و حرکتاری
قانون جزانک ا یکوز یکرمیجی ماده سی حکمی
مستلزم افعال جنایتیه دن بولنش اولمغه اصول
محاکات جزائیه قانوننک باب رابعنک فصل
نایسندده محرر مواد احکامنه توفیقاً درسمعات
جنایت محکمه علیه سنده غیاباً محاکماری اجرا
قلنمق اوزره جنایتله اتهاملرینه قرار ویرلدیکندن
مرفومونک هر زده کور یلور ایسه طوتیلوب
محکمه مذکوره توقیفخانه سنده تسلیملری لازم
کله جکی بالجله ضابطه عدلیه مأمورلرینک معلومی
اولمق اوزره اشیو اخذ و گرفت مذکره سی
درسمعات هیئت اتهامیه سندن بالتظیم اعطا
قلندی .

فی ۱۰ ایلول سنه ۳۱۰

بیک اوچیوز طقوز سنه سی تموزینک یکرمی
یدنچی کونی قندیلیده مکتب سوقاغنده یکرمی
نومرولی خانه ده ساکن یاغی جیوه لک خرستونک
خانه سنده قونداق وضع اولنوب آتش الدینی حالده
کور یلهرک اطفا و بوقونداغک عن قصد وضع

اولدینی بیان و انبا قلنم سندن طولایی مظنون
علیهم اولوب غیر موقوف بولنسان اورته بویلی
اچیق الی چقورچکه لی الا کوزلی باصق برونی
قره صاجلی غلطه ده خرستوس کلیسای جوار
زقاغنده شیشمان یورکینک خانه سنده مستأجراً
ساکن یکرمی سکنز یاشنده استانه لی یورکی ولد
واسیل و غلطه ده بکراده زقاغنده قرق سکنز
نومرولی خانه ده مستأجراً ساکنه قرق بش
یاشنده مرفوم یورکینک والده سی انسطاشیه نام
دیگر انستو قادیق و قندیللی اهلینسندن اولوب
مکتب سوقاغنده بلا نومرو خانه ده ساکن
اوزونجه بویلی مدور چکه لی آق صاجلی و صاری
کوزلی و بیاض بیقلی مطروش التمش یاشنده یورکی
ولد یانینک فعل مذکوره جرأتلری ا کلاشلش
و حرکتلری قانون جزانک یوز التمش دردنجی
ماده سنک فقره اخیره سی حکمی مستلزم افعال
جنایتیه دن بولنش اولدیفندن اصول محاکات
جزائیه قانوننک باب رابعنک فصل نایسندده محرر
مواد احکامنه توفیقاً درسمعات جنایت محکمه
علیه سنده غیاباً محاکماری اجرا قلنمق اوزره
جنایتله اتهاملرینه قرار ویرلدیکندن مرفومونک
هر زده کور یلور ایسه طوتیلوب محکمه مذکوره
توقیفخانه سنده تسلیملری لازم کله جکی بالجله ضابطه

عدلیه مأمورلرینک معلومی اولمق اوزره اشیو
اخذ و گرفت مذکره سی درسمعات هیئت
اتهامیه سندن بالتظیم اعطا قلندی .

فی ۲۲ ربیع الاول سنه ۳۱۲

وفی ۱۰ ایلول سنه ۳۱۰

ابراحمی جرح و قتل ابتدکی ادعاسیله
مظنون علیه اولوب وادی فرارده بولنسان غایت
اوزون بویلی ال وایققری ایری و چکه سی سیوریجه
سیرک واز مور بیقلی کوسه و مطروش اوزونجه
یوزلی و قرمزلی رنگلی و حال فرارده اوزرنده
قیصه بیاض طلومبه جی دیزلکی وایاغنه یمنی باشنه
سیاه و سبوری فس اکسا ایدر نخمیناً یکرمی سکنز
اوتوز یاشلرنده تکفور طاغلی ترلکچی ستراق ولد
اوخانسک فعل مذکور مجامعتاری ا کلاشلش
و حرکتی قانون جزانک یوز التمش دردنجی ماده سی
حکمی مستلزم افعال جنایتیه دن بولنش اولدیفندن
اصول محاکات جزائیه قانوننک باب رابعنک فصل
نایسندده محرر مواد احکامنه توفیقاً غیاباً درسمعات
جنایت محکمه علیه سنده محاکماری اجرا اولنمق

اوزره جنایتله اتهامنه قرار ویرلدیکندن متهم
مرفوم هر زده کور یلور ایسه طوتیلوب محکمه
مذکوره توقیفخانه سنده تسلیملی لازم کله جکی بالجله
ضابطه عدلیه مأمورلرینک معلومی اولمق اوزره
اشیو اخذ و گرفت مذکره سی درسمعات هیئت
اتهامیه سندن بالتظیم اعطا قلندی .

فی ۱۰ ایلول سنه ۳۱۰

اوچیوز یدی سنه سی کانون اولنک اون
سکرنجی جمعه ایرتسی کونی عمرلی قریه سنده ملازم
صالح افندی بی ضرب واقعه سنی غضب ابتدکاری
ادعاسیله اتهام ایدلش اولان محمد و اسماعیلک
وصالحک رفقاسندن اولوب حال فرارده بولنسان
قریه مذکوره اهلینسندن اورته بویلی الا کوزلی
اسمر بکزی تر بیقلی یکرمی درت یاشنده خیراه
اوغلی احمدک اله کچور یله ماش اولدیفندن اصول
محاکات جزائیه قانوننک اوچیوز التمش برنجی
ماده سنده توفیقاً و تاریخ اعلاندن اعتباراً جانب
ریاستندن مجدداً اون کون مهل ویرلش اولمغه
مدت مذکوره ظرفنده محکمه جنایتله کلدیکی

تقدیرده قانونه اطاعت ایتماش نظر یله باقیله رق
محاکمه غیایه سی بالاجرا حقوق مدنیه دن اسقاط
واموالی جزایدیه جکی و بوندن طولانی برکونه
دعوی اقامه سته حتی اوله میه جفی و بولندی محلی
بیئلر خبر و برمه و بالجله ضابطه عدلیه
مأمورلرینک مرقومی اخذ و گرفت ایتمکه مجبور
بولندقلری بیانیه اعلان کیفیت اولور .
فی ۲۰ ایلول سنه ۳۱۰

فی ۲۰ ایلول سنه ۳۱۰

اوچیوزدورت سنه سی ایلولنک یکریمی ایکنجی
پنجشنبه کیجه سی ایپا قریه سنده فودله جی باشی
محمد صادق افندیکنک کلبه سنه آتش و برمش و اوچ
یوز بش سنه سی تموزینک اون التنجی کیجه سی دخی
قریه مذکوره ده دیستوقلینک کلبه سی احراق
ایلمش اولدینی ادعایه اتهام ایلمش اولان
اورته بوبلی مائی کوزلی صاری بیقلی بغدادی
بکرلی قرال صاج و قاشلی ماطلی یوسف بن صادق
حال فرارده اولوب اله کچوریه مامش اولدیفندن
اصول محاکمات جزائییه قانوننک اوچیوز یتمش
برنجی ماده سنه توفیقاً و تاریخ اعلانن اعتباراً

قره مرسل قضاسنه تابع یالوه ناحیه سنک
صمانلی قریه سی اهالیسندن پهلوان اوغلی کوچک
مصطفی بن خلیل و مختار دهده اشرف بن نعمان
ودرویش اوغلی مصطفی بن عثمان ورشید اوغلی
لطیف وقره دکزلی احمد بن امین نام کسنه لر ایله
اوچیوز اون سنه سی نینساننک ایکنجی جمعه ایرتسی
کیجه سی قریه لرینک قهوه خانه سنده وقریه نک
صفر چوبانی چفت سورمه کوندرمک ایچون
بالمنازعه مرقومونی بیحاق ایله ضرب و جرح

ابتدکاری ادعایه مظلون علیهمادن اولوب
وادی فرارده بوانان قریه مذکوره ساکنلرندن
و باطوم مهاجرلرندن اوزونجه بوبلی مائی کوزلی
صاری قاش و صاجلی سیوری یوزلی آجیق النلی
سیوری برونی مدور چکه لی اوزون اغزلی
خفیف وجودلی تخمیناً یکریمی باشلرنده قدیر بن
عاینک فعل مذکوره جرائی اکلاشلمش وحرکتی
قانون جزانک یوز یتمش برنجی ماده سی حکمی
مستلزم افعال جنائییه دن بولنش اولمغه اصول
محاکمات جزائییه قانوننک باب رابعنک فصل
ثانیسنده محرر مواد احکامنه توفیقاً ازمد بدایت
محکمه سی جزا دائره سنده غیاباً محاکمه سی اجرا
اولمق اوزره جنایتله اتهامه قرار ویرلدیکندن
متهم مرقوم هر زره کوریلور ایسه طوبیلوب
محکمه مذکوره توقیفخانه سنه تسلیمی لازمکله جکی
بالجله ضابطه عدلیه مأمورلرینک معلومی اولمق
اوزره اشبو اخذ و گرفت مذکوره سی درسعادت
هیئت اتهامه سندن بالتظلم اعطا قلندی .
فی ۳ ربیع الاخر سنه ۳۱۲
وفی ۲۰ ایلول سنه ۳۱۰

میقائل نشتر جیانک پول تیورجیان ذمتنده
محکمه تجارت اعلامیه الاجفی اولان اقیجه نک
تأمین استیفاسیچون مدیون مرقوم ایله برادر
و همشیره سنک موافقت واقع لرینه بناء بیوکدرده
چبوقچی سوقاغنده علی التخمین ایکوز الی زراع
عتیق برقطعه عرصه ده یدی حصه اعتباریه متصرف
اولدقلری اوچ حصه سی بوندن اقدام موقع
مزایدیه قونیله رق عثمانلی لیراسی یوز غروش
حسابیه یدی یوز غروشده طالی عهده سنده
قلمش و تاریخ اعلانن اعتباراً اوتوز برکون
یعنی کله جک تشرین اولک اون التنجی بازار کونی
ساعت اونه قدر یوزده بش ضم قبول اولمسی
و ذکر اولسان یوم و ساعتده صوک مزایدیه سی
بالاجرا قرار قطیسی ویریلرک طالی عهده سنه
کچورلمسی مقرر بولنش اولدیفندن واندن صکره
هر نه ضم وقوعبولور ایسه قبول اولمیه جفتدن
مذکور عرصه یه یوزده بش ضمیمه طالب اولنلرک
ودهازیاده معلومات المقتضیانلرک بدل مزایدیه نک
عشرینه مساوی بی اقیجه سیله برابر مدت مرقومه
ظرفنده محکمه تجارت اجرا دائره سنه مراجعت
ایلملری ووقت مذکوره مذکور عرصه
پیشکاهنده حاضر اولملری دائره مذکوره دن
اعلان اولور .

فی ۱۵ ایلول سنه ۳۱۰

جانبدن تحت قراره النمش اولديغندن تاريخ
اعلانن اعتباراً اون بش كون صكره بالمزايدة
فروخته تشبث اولنه جنى بك اوغلى بدايت
محكمه سى اجرا مأموريتى جانبدن اعلان
اولنور .

فى ۲۴ ايلول سنه ۳۱۰



عدد	جنس اشيا
۱	مينهلى التون ساعت مع قوردون
۱	اوسقى مارقهلى التون ساعت مع قوردون
۱	التون ساعت مع قوردون
۱	التون ساعت مع قوردون
۱	التون طباقه

بريكلى والاسيادىنك سعادتو عبدها حسيب
افندى ذمتنده الاجنى اولان مبالغ معلومه نك
تسويه سيچون مرهون و فروختى محكوم بولنان
بروجه بالا بش قلم اموالك تاريخ اعلانن اعتباراً
اوچ كون صكره يعنى اشبو ايلوك يكرى التنجى
بازار ايرتى و يكرى يدنجى صالى و يكرى
سكرنجى چهارشنبه كونلى ساعت بشدن طقوزه
قدر قيوچيلر چارشوسنده بالمزايدة فروخت
اولنه جفندن طالب اولنلرك محل مذكوره بولنلرى
درسمادت اعلامات نظاميه اجرا دائره سندن
اعلان اولنور . فى ۲۴ ايلول سنه ۳۱۰

(مطبعة عامرودة طبع اولمشدر)

بكقوزده ساكن اتمكجى كيقورق اغايه بااعلام
محكوم به ديننه قارشو دره سكى قريه سنده مقيمه
رائقه خانمك قريه مذكوره ده واقع بر طرفى
بالجى اوغلى ابراهيم اغا خانه سى و بر طرفى دره
و طرف رايى طريق عام ايله محدود بلا نومرو
حالى عرصه سى ججز و مزايده سى اجرا اولنوب
بيك اوچيوز اللى غروشه طالبى عهده سنده تقرر
ايمكله اشبو اعلانن اعتباراً اوتوز بر كون صكره
قرار قطعىنى كشيده اولنه جفندن مدت مزبوره ده
يوزده بش ضميمه طالب اولنلرك بكقوز بدايت
محكمه سى اجرا دائره سنه مراجعت ايلملرى
اعلان اولنور .

فى ۲ ربيع الاخر سنه ۳۱۲

وفى ۱۹ ايلول سنه ۳۱۰



نعمان اغانك محكمه استيناف جنجه قسمندن
تنظيم واعطا اولنان ۱۸ ايلول سنه ۳۰۹ تاريخلى
اعلام موجبنجه مالىه اسهام قلمى كتبه سندن
عبدانقادر افندى ذمتنده محكوم به الاجنى اولان
معلوم المقدار مبالغك تأمين استيفامى ضممنده
بشكطاشده قلنج على پاشا محله سنده يلديز پوسته
جاده سنده اوتوز اوچ نومرولى بر باب خانه مع
بفچه ايله نصف ماصوره ماء لذيزه انتقالاً
متصرف اولدينى نصف حصه شايه سنك ججز يله
فروختى بك اوغلى بدايت محكمه سى رياست اوليسى